



Presidente di Parlamento di Aruba  
Sr. mr. Edgard Vrolijk  
L.G. Smith Boulevard 72  
Aruba

Oranjestad, 6 di oktober 2023

Topico: **Preguntanan na Minister di Asunto General, Innovacion, Organizacion  
Gubernamental, Infraestructura y Planificacion Teritorial relaciona cu  
Arubahuis**

Apreciabel sr. Vrolijk,

Pa medio di e carta aki suscrito kier pidi sr. Presidente pa dirigi e siguiente preguntanan na Minister di Asunto General, Innovacion, Organizacion Gubernamental, Infraestructura y Planificacion Teritorial, sra. mr. Evelyn C. Wever-Croes

Suscrito ta desea di haya contesta por escrito riba su preguntanan den un termino cortico.

Gradiciendo bo persona di antemano pa bo disponibilidad y colaboracion.

Atentamente,

---

Sra. Aquanette A. Gunn  
Miembro di Parlamento di Aruba  
Fraccion MAS

**STATEN VAN ARUBA**

Ingek: 06 OCT 2023

Volgnr: IS/127/23-24



Preguntanan por escrito di miembro di Parlamento, sra. Aquannette A. Gunn, dirigi na Minister encarga cu Asunto General, Innovacion, Organizacion Gubernamental, Infraestructura y Planificacion Teritorial, sra. mr. Evelyn C. Wever-Croes conforme articulo III.7 di Areglo di Estado juncto articulo 59 di Reglamento di Ordo di Parlamento di Aruba

---

Dia **promé di juni 2022**, sra. Glenda Hernandez a keda nombra como directora interino di Arubahuis pa un termino di **3 luna**. E nombramento di sra. Hernandez a causa un sentimento mixto bou di e comunidad di Aruba y mas ainda e forma con su nombramento a keda anuncia. Segun e ex Minister Plenipotenciario, sr. Guilfred Besaril e tabata sumamente contento cu nombramento di sra. Hernandez, pues el a declara cu sra Hernandez lo reenforza e organisacion y tambe su persona lo yuda den e transicion di Arubahuis. Tambe e ex mandatario a duna di conoce cu Arubahuis lo muda temporalmente den otro edificio, pa asina renoba e edificio situa na R.J. Schimmelpennincklaan.

Ironia di bida ta cu **9 dia** despues, esta **10 di juni 2022**, sr. Besaril a declara cu el a entrega su retiro como Minister Plenipotenciario. N'e momento ey e motibonan cu el a duna pa tuma tal decision, tabata simplemente un burla (falta di integridad y transparencia) pa cu e Pueblo Arubano. Na final di cuenta a sali na cla cu e motibonan pakico e mester a retira ta debi na malversacion y fraude cu placa di pagadonan di impuesto di Aruba.

Gobierno di Aruba (lesa: Prome Mandatario di Aruba, sra. mr. Evelyn Wever Croes) a indica cu sra. Hernandez lo structura e organisacion Arubahuis, cual e tin 3 luna di tempo pa haci tal y cu simultaneamente den e tres luna ey lo inicia cu e 'werving en selectie procedure' di un director nobo pa Arubahuis. Un anuncio pa e funcion di director a keda publica y e ultimo dia pa por a reacciona tabata 30 di juni 2022. Mientrastanto e nombramento temporal di 3 luna a prolonga te dia di awe. Pues sra. Hernandez tin mas cu un aña y cuatro luna den dicho funcion.

Den cuadro di haya claridad riba varios aspecto di Arubahuis suscrito ta haci uzo di su derecho pa haci e siguiente preguntanan.

### **Structura e organisacion Arubahuis**

Saliendo for di e punto di bista cu den e medio di comunicacion di Antiliaans Dagblad di 2 di juni 2022, Gobierno di Aruba (lesa: Prome Mandatario di Aruba, sra. mr. Evelyn Wever Croes) a indica cu sra. Hernandez lo structura e organisacion Arubahuis, di cual e tin 3 luna di tempo pa haci tal.

1. Minister President por elabora den extenso kico e reorganizacion di Arubahuis ta encera?
2. Minister President por informa Parlamento si e reorganizacion di Arubahuis a keda concretisa? Mas ainda considerando cu Gobierno di Aruba a indica cu e directora interino tin 3 luna di tempo pa haci tal, pero mientrastanto e tin mas cu 16 luna den e funcion.
3. Si e contesta di pregunta 2 ta negativo, Minister President por informa Parlamento den ki fase e reorganizacion di Arubahuis ta?
4. Minister President por informa Parlamento pa ki tempo e ta premira cu e directora interino lo concretisa e tarea di mas principal cu a keda asigna na su persona?



Preguntanan por escrito di miembro di Parlamento, sra. Aquannette A. Gunn, dirigi na Minister encarga cu Asunto General, Innovacion, Organizacion Gubernamental, Infraestructura y Planificacion Teritorial, sra. mr. Evelyn C. Wever-Croes conforme articulo III.7 di Areglo di Estado juncto articulo 59 di Reglamento di Ordo di Parlamento di Aruba

---

### **Renobacion di e edificio di Arubahuis**

Segun e medio di comunicacion (Antiliaans Dagblad di 2 di juni 2022) prome cu pandemia di covid tabatin plannan pa renoba e edificio di Arubahuis, pero debi cu no tabata dispone di espacio financiero a dicidi di pone e plan di renobacion 'onhold', pero na final di e di dos cuartal di 2022 Arubahuis lo a muda den un localidad temporal.

Den medio di comunicacion (Bon dia Aruba di 25 di juli 2022) Prome Minister ta indica cu e procedura pa loke ta trata e edificio di Arubahuis ta bay start. Tambe su persona a declara cu e siguiente paso ta pa bin cu un 'bouw technisch onderzoek' pa determina kico lo mester pasa cu e edificio.

5. Minister President por informa Parlamento si mientrastanto el a ricibi e resultado di e 'bouw technisch onderzoek' pa loke ta trata e edificio di Arubahuis?
6. Si e contesta di pregunta 5 ta negativo, Minister President por informa Parlamento kico ta e motibo(nan) cu despues di un aña ainda dicho investigacion no a keda conclui?
7. Si e contesta di pregunta 5 ta afirmativo, Minister President por comparti e rapport di e resultado di e 'bouw technisch onderzoek' cu Parlamento?
8. Si e resultado ta negativo pa renoba e edificio na R.J. Schimmelpennincklaan, Minister President por informa Parlamento si su persona ta considerando pa e localidad temporal di Arubahuis bira esun permanente?
9. Si e resultado ta afirmativo pa renoba e edificio na R.J. Schimmelpennincklaan, Minister President por informa Parlamento den ki fase e procedura ta?
10. Minister President por informa Parlamento cuanto e renobacion di e edificio lo costa Pais Aruba?
11. Minister President por informa Parlamento si e renobacion di e edificio na R.J. Schimmelpennincklaan a inicia?
12. Si e contesta di pregunta 11 ta negativo, Minister President por informa Parlamento kico ta e motibo(nan) cu dicho renobacion no a inicia ainda?
13. Si e contesta di pregunta 11 ta afirmativo, Minister President por informa Parlamento den ki fase e renobacion di e edificio di Arubahuis ta?
14. Minister Presidente por informa Parlamento cuanto e huur di e localidad temporal di Arubahuis ta costa Pais Aruba pa luna?
15. Minister por informa Parlamento pa cuanto aña a cera e contract di huur pa loke ta e localidad temporal?



Preguntanan por escrito di miembro di Parlamento, sra. Aquannette A. Gunn, dirigi na Minister encarga cu Asunto General, Innovacion, Organizacion Gubernamental, Infraestructura y Planificacion Teritorial, sra. mr. Evelyn C. Wever-Croes conforme articulo III.7 di Areglo di Estado juncto articulo 59 di Reglamento di Ordo di Parlamento di Aruba

---

### **Nombramento director Arubahuis**

Inicialmente e procedura pa haya un director nobo pa Arubahuis mester a cana paralelo cu e 3 luna di nombramento di sra. Hernandez. Den e anuncio pa e funcion di director cu a keda publica, e ultimo dia pa por a reacciona tabata 30 di juni 2022. Nos ta 15 luna despues y te na e momento aki no a nombra un director nobo.

16. Minister President por elabora den extenso con e procedura di 'werving en selectie' pa apunta e director nobo a cana?

Suscrito ta sali for di punto di bista cu a institui un comision pa cu e procedura pa nombra un director nobo

17. Minister president por comparti cu Parlamento e Besluit of Ministeriële Regeling cu a keda firma na momento di institui e comision di 'werving en selectie'?
18. Minister President por informa Parlamento kico ta e experticio/profesion di esnan di e comision 'werving en selectie'?
19. Minister President por informa Parlamento cuanto persona a solicita pa e funcion di director di Arubahuis?

Den medio di comunicacion di 20 di maart 2023 Minister President a confirma cu sra. Joselin Croes ta un di e candidatonan den contienda pa e puesto di director di Arubahuis. Nos ta mas cu 6 luna despues y te awe no a bira conoci ken lo bira e proximo director di Arubahuis.

20. Minister President por informa Parlamento si e comision a conclui cu nan tarea y nan a recomenda kendenan lo por ta e posibel candidatonan pa considera pa cu e nombramento di e proximo director?
21. Minister President por informa Parlamento pa ki tempo e ta premira cu e siguiente director di Arubahuis lo keda nombra?

Sra. Aquannette A. Gunn  
Miembro di Parlamento  
Fraccion MAS